



### نظيره اميرى حقير

اويله مدهوشمكه بيلمم ايتديكم شكوا نهدر  
يار كيمدر بن كيمم درد دل شيدا نهدر  
ساغر ميناميدر ، غمى تويجر ايلش  
خون دلى ايجديكم دستمده كي صها نهدر  
درد ايله دوندم نسيم آهه بيلمزسم نوله  
صورت آينه دنيا و مافيا نهدر  
بيلمه دن قربان جان ايتك شرفدر عاشقه  
جاني قربان ايلمكدن مقصد اقصا نهدر  
بيلميوركن عشقى بك مونس اولمشدك بكا  
حس ايدنيجه شمدى اى روحم بو استغنا نهدر  
برحياتك خانمانسوزى اولور برتير آه  
بن نياز ايتدكجه بويله طور بي پروا نهدر  
كلديكم كوندنبرى دنيايه بركون كولدم  
دمبدم يارب بكا بو محنت دنيا نهدر  
دردم آتش عشقم آتش ياسم آتش الايمان  
بر آوج خاشاكه بويله آتшин سودا نهدر  
ياق بنى بيك آتش نمروده بن ايتم فتور  
ملكى يارب محو ايدن بو فتنه كبرا نهدر  
كرچه بر بحر معظمدر (اميرى) كائنات  
موجنك هر قطره سنده كيزلنن دريا نهدر